

外科大成敘

余賦質雜魯家世業儒舞

象時卽肄力於八股之間

學未窺班而嚴君見背時

先師戴望之以明經高等

擅岐黃業語余云先正有
言不爲良相則爲良醫治
生卽治世也子盍圖之遂
奮志攻苦一切桐君之所
秘雷公之所傳瓊函寶笈

靡不蒐采大約內科一門
前賢之論述似詳且盡而
外科諸書或博而寡要或
隱而未備鶴長鳬短豕腹
龍頭心竊疑之簡練揣摩

少有一獲倖而入侍

內庭謬承委試奏功甚多然

亦並無他術惟能辨氣稟

有厚薄之殊風土有寒溫

之異今所不經見之異症

古所不必有之奇方驅一
已匠心變通於前輩之遺
意日積月累未能成帙庚
子春先慈棄世讀禮之餘
悉取諸書而拆衷之有言

症而不言脉者有圖形象
定名色而不分穴次者有
辯大毒而忽小疔者有小
毒反詳而大毒反畧者紊
亂無次未可枚舉僭爲考

訂彙成一書重者刪之缺
者補之訛者正之亂者緒
之其法首列六脉則邪正
虛實若肩分次列三因則
病源若犀照再次則列陰

陽善惡生灰順逆之訣辯
之則吉凶立判再次則列
腫瘍潰瘍二治則先後治
法內外諸方無不具矣又
按部位分經絡定穴次辨

名色各列於後焉其調理
總不外乎前腫潰二治之
中其稍異者則列本症之
下以補缺畧也其中又有
內外相似者又列各門於

本部之後以便參考少贅
以區區之一得是集也辯
症辯名從博雖微疵悉備
而不遺用藥用方從約在
單刀直入以取効至於獨

悟之心法不傳之秘方皆
爲一盤托出不復珍惜嗟
乎自古用藥者如用兵兵
有以正勝奇勝多勝寡勝
車勝騎勝舟勝五花咲八

陣勝在審其勢之所必用
故一發而奏功攻毒者如
攻賊賊必有穴卽左洞庭
右太行鐵壁千層羊腸九
疊而察其穴之所必在馳

一旅可以受縛奏凱之績
豈曰小成因名其集曰外

科大成以公天下坤也不

敏大成詎敢易名哉不過

因積累之功而統言之耳

爰使天下之人偶有滑和
之患開卷了然可以盡謝
醫師矣烏得云以書爲御
者不盡馬之情耶因縷述
一腔之苦衷如左不敢乞

光於

大人先生之鴻藻弁端以

張楚

嵒

康熙四年歲在乙巳仲秋

之吉太醫院御醫燕越祁

坤廣生甫識

跋

醫自軒岐而始原無內外科之

分蓋緣本於運氣之有司天則

有主客加臨之遷迭臟腑之有

虛實則有淫勝鬱復之乖變用

藥之有氣味則有逆從反正之